

بطل صورة المطاردة الشهيرة يتحدث عنها



الجمعة 1 يوليو 2016 02:07 م

روى، سيف ناصر، طالب الثانوية العامة الذي هزّ مواقع التواصل الاجتماعي بصورته التي انتشرت بقوة على مواقع التواصل ويظهر فيها عدد من قيادات وجنود الأمن يطاردونه بالهراوات اثناء تفريق مظاهرة لطلاب الثانوية العامة إعتراضاً على قرار إعادة امتحان مادة الميكانيكا والمطالبة بإقالة وزير التربية والتعليم

يحكي "ناصر" تفاصيل ما حدث معه وذلك عبر تغريدة مطوله نشرها على صفحته الشخصية بموقع التواصل الاجتماعي "فيسبوك" مستهلاً بقوله: "يا شباب مبدئياً كده انتوا مكبرين الموضوع اوي انا لا بطل ولا بتاع زي مانتوا مايتقولوا انا طالب زي كل طالب نزل النهارده ولو انتوا شايفين انا انا بطل يبقى كل واحد بينزل يطالب بحقه زي ماقلش عنه حاجه وفي غيري كثير أتأذوا واتهانوا بس للأسف الكاميرا ماقدرتش توصلهم".

أضاف "ناصر": "المهم انا احكيلكم القصة من اول اليوم في البدايه انا لما وصلت محمد نجيب لقيت الطلبة كلهم او معظمهم خايفين يطلعوا فوق وبيقولوا ان الامن في كل حته وان هما هيتحركوا علي نقابه الصحفيين حاولت علي اد ماقدر اقنعهم ان أمن مكان لينا فوق عند وزاره التربيه والتعليم علشان احنا طلبه وده مكانه الأساسي وتعالوا اطلعوا انا طالع معاكم مش هسيبكم ووالله ماتخافوش مش هيحصل حاجه احنا طلبه المهم ماحدث طلع معايا طلعت لقيت شويه شباب وبنات واقفين عند مدرسه المنيره وحتلهم كان عددنا مايتعداش الـ 25 فرد اتفقت معاهم ان احنا هنقف وهنتف وهنكلم الناس كلها وتجيلنا علي هنا وده مكانه الأساسي فضلنا واقفين زياده عن ساعه والناس كان ابندت تمل وهتمشي علشان عددنا قليل قدرت اقنعهم ان احنا لازم نفضل هنا ووعدهم ان العدد هيكبر وكنت بحلفهم فعلا بعد حوالي ساعه العدد بقي كويس جدا وده فضل لكل طالب جالنا وده من بعد ربنا طبعاً".

واستطرد "ناصر" قائلاً: "المهم اقسام بالله اقسام بالله لا عطلنا طريق ولا كتبنا علي حيطه ولا عملنا حاجه وحشه طول ما احنا كنا واقفين لدرجه اني كنت كل ماشوف عربيه بتقف تتفرج علينا اقولوا معلش اتفضل علشان الطريق وراك مايقفش

تمام لغايه كده ماعملناش حاجه تضايق حضراتهم".

واردف: "في ظابط الناس اللي كانت واقفه هناك كانت شايفاه ده كلمني علي جمبي وقال لي انا حفظت وشك وماتقلقش مش هتتعرف تروح بيتك هتتشد النهارده لو ماسيطر تليش علي الناس دي .. قولتلوا يا باشا احنا زي اولادك او اخواتك الصغيرين وكلنا طلبه لا لينا دعوه بسياسه ولا غير

المهم شوفنا المدرعات جايه الناس كلها قررت انها تقف ومش هنجري علشان احنا علي حق ماحدث اتحرك كله فضل في مكانه وفعلا كان كل اللي واقفين رجاله".

وتابع "ناصر": "المهم الأمن المركزي والمباحث اتحركوا علينا فطبيعي مش هنبقي همج وهنشترك معاهم وكنت كل ماشوف طالب فايز بيه وماسك طوبه اقولوا ارميها لدرجه اني اقسام بالله اتخانقت مع طالب زي زي علشان يرمي الطوب من ايده ويقول لي يعني انتا عاجبك كده كنت عمال اقولوا معلش معلش حقك عليا بس ماينفعش وبعد ماقولتلوا كده واتجمعنا وراجعين تاني ابص الاقي الامن المركزي بيعتدي علي البنات اللي واقفه والبنات ماتحركوش من مكانهم فضلوا واقفين مكانهم بس احنا اللي جرينا بس رجعنا تاني رجعنا وبنقول سلميه سلميه وروحت للأمن المركزي قصاد المدرعه وقعدت اقول لكل واحد والله احنا اخواتكم الصغيرين ماينفعش اللي بيحصل احنا طلبه كلنا تمام الكلمتين دول كنت بقولهم للأمن المركزي واحد واحد قصاد المدرعه تمام".

واضاف: جينا رجعنا ووقفنا نهتف شويه مايفش دقيقتين جرونا تاني وواقفين عاملين كورديون وبردو البنات اللي ماشوفتش في رجولتهم واقفين مكانهم وماتحركوش والمشكله اني مش عارف اوصل للبنات علشان الكورديون اللي معمول (الكورديون اللي كان فاصل

بيني وبين البنات اني اروطهم هو الكورديون اللي جري ورايا اللي موجود في الصورة).
فماقلتش بأيدي غير ان انا واقف وعمال بقولهم عاجبكم كده يا جدعان والله احنا طلبه احنا مش نازلين نخرب والله ماينفesch كده احنا زي اخواتكم الصغيرين".

واستطرد: "فألمن المركزي ماعليه غير ان هو بيهز دماغه ليا بنعم يعني وماكنش في فرق بيني وبينهم زي طبعاً ماانتوا شايفين في الصورة
يعني كلامي كانوا سامعينه اللي كان واقف قصده يصور كان قصده يصورني وانا واقف بتكلم معاهم وانا بزهري فلقيت مافيش دقيقه
الرتبه اللي كانت واقفه مع الامن المركزي هاتوه وبس ده كل اللي حصل
واتقبض علي 24 واحد اثناء الفض بس الحمد لله كل الناس فضلت واقفه لحد ماطلعوا وجم معانا عند النقابه
وبعد ما مالفينا مافيش امل من اننا نقف عند الوزاره اتحركنا وكملنا يومنا عند نقابه الصحفيين وكنا ناويين نطر هناك واعلنا عن افطار
جماعي وطلبنا من الناس انها تنزلنا".

وتابع "ناصر": "لقيت تهديدات من الأمن المسئول عن تأمين المنطقه ان هما نص ساعه وهيفضوا بصراحه ماستحملتش ان اليوم يحصل
في حاجه ثاني للناس خاصتا اللي كلنا شفناه حصل للبنات
ففضلت اكلم الناس ان هما يتحركوا وان احنا خلاص كده وصلنا صوتنا وان احنا قدرنا نكون في الشارع من 11ص ل4 مساء يعني 5ساعات
يعني وصلنا صوتنا وعملنا كل اللي احنا عاوزينوا والحمد لله الناس اللي اتقبض عليهم خرجوا فماكناش حمل حاجه ثاني تحصل لحد
فكلمت الناس واتناقشنا مع بعض في اللي اقتنع بكلامي ونهي اليوم وفي اللي ماقتنعش وفضل واقف فسببتهم ومشيت بصراحه
وبس وده كل اللي حصل".

وأختتم "ناصر" تغريدته بقوله: "واللي صحيح لازم يتنسب ليهم البطوله هما البنات اللي كانت واقفه معانا عند وزاره التربيه والتعليم".